

中國地方志集成

浙江府縣志輯⑥④

乾隆瑞安縣志

同治景寧縣志

民國景寧縣續志

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成
浙江府縣志輯 ⑥4

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 三〇七元

1993年6月第1版 1993年6月第1次印刷
ISBN7-80569-875-9/K·170
沪新登字119号

重修瑞安縣志序

邑有志尚矣雖體裁殊異而
記事記言為邑之大帳簿與
史為天地間大帳簿也瑞安
志不修者已六十年故為戒於
火又二十餘年後生小子於何
考德而修業焉宋俗觀空於
序一

何據核而淑信焉職守者之
於何辨空物惠人情焉其為
國典非細故矣守土者之羞
歎抑念邑士大夫之責也丁卯
歲調任瑞安縣 司訓章宗
華先生於會城接及之業
與 為今鄒公謀新而志果

志慨然若未成必不可以已者
任任後諸務倭倭未遑也越
次年秋商所以舉事乃延百
杭郡而付開雕余因之有感
矣瑞安濱海風號名區鳳
凰銅盤作中流之砥柱集
雲隆峴環境內之屏空扶輿

序二

清泚磅礴而鬱積要而不獨
桑麻獨鎔煙火稠疊宜且
漢以來英才輩出賢茲挺
生今必有魁梧奇傑之士產
於其間與心齊之理學惟恭
之忠貞後先輝映矧

聖天子崇道古久而棄時崛起萬

不辭之憾也然之於爾日也
是所以增光德素者顧不重
歟夫與不自與因人而成與
不自與因事而著以山川登
土賦級等條分縷析葛藤整
矣人物則有若某之孝友某
忠直某之經濟文章某之閨

序三

中貞際大書特書不一書在
子孫固樂為之說即明其子
孫之莫不若之慕之遠近稱
道之反是盡點彼庸之矣筆
勿論矣縱勢赫矣不得列
咸羞稱之子孫之與有辱者
蔡京後人之甘為端明裔者

顧慮儒之鄙寬博數端由予
此之表生即可以勸來勸善已
所以存惡固與史殊途而同
歸也同誌之宏著者華陽
國志蓋都者舊舊陽者
舊等傳在明則康寧山武
功和志斯雖未知於為人何如

序四

要其綱舉目張勝如指掌俾
後生小子有所考德而征業來
風觀俗有所據核而淑信職守
若土有可辨空物而惠人情典
其茂哉是役也始戊辰秋竣已
已夏德其成者司訓 章家
莘先生也襄其成者邑之孝

憲吳君次瞻林君宏展張君
元鵠邑庠士鍾生山英鮑生
鵬搏吳生天樞筆而得以筆
親厥成者則瑞安今陳永清
也由斯以注後之視今猶今
之視昔得薪傳於無盡謂
非余之厚幸也夫

序五

省

乾隆十四年孟夏月知瑞
安縣事蜀忠陳永清寧人
氏為撰



叙

瑞邑志曠脩六十餘載矣前志
脩於兵燹之後閱五載而告成
遺忘脫略殆所不免多歷年所
書朽蠹字模糊幾同殘編斷簡
而非復邑乘之大觀抑且祝融

序

肆電舊板付之一炬民間所存
之書更寥々無幾丙寅歲邑令
鄒公以上憲飭取志書茫然無
以應目商之於余、蒞任以來
久慕瑞邑為理學名邦有小鄒
魯之稱渴思觀其懿躅芳徽遍

向同人索志已及三秋而無一應且有垂老未見此書者但云通邑急務無踰於此余固心動者久矣一旦聞鄒命不禁喜出望外遂唯々而任之百計構求蓋本皆零星湊集悉心三月餘

始得要領爰照前例增入近事編次已成付之梓人矣亡何鄒公以病告休而此舉遂置之高閣丁卯歲余以試事走會城適新令陳公將之任往候之一見如舊相識恨相見之晚語言間

目及志事欣然以為第一要務不可緩陳公乃蜀中名士學問經濟俱稱第一流令禹航政聲藉々曾刊丹桂籍以化導齊民茲以才能特調則其造福於瑞邑不待言至一邑必思留惠於

一邑非復俗吏腎腸視官署為傳舍者故以此為要務而不可緩也但余以前車為鑒恐再無成為同人竊笑遂隱忍一載而不言一日者辱陳公招飲席間忽詢及志事殊出意外余心知

其作用明目張胆而言之衆前
可過其暗阻之念也直應之曰
事易成特費公心爾隨於會城
倩名手匠師付之剞劂然以志
之編輯得體余事也六十年来
之人物題名節孝非本邑人不

序

四

悉余何敢任曰商之陳公延邑
之孝廉三明經一司編纂復約
諸生同志者七人司採訪校訂
夫公矢慎務協輿情閱七月而
告成視前志增四之一燦然足
觀余向之欣慕者於茲而稍慰

然心力亦幾瘁矣向非邑侯之
大力仔肩諸生之盡力勸贊而
乃以一邑莫大之務責諸冷署
廣文之一身其不至有始無終
為山鬼之所揶揄者幾希今幸
而得成固良有司之名垂不朽

序

五

邑士人之光彩彌長而余例得
一言以附驥故第述其脩志之
顛末而質言之道其實也邑之
人有感於斯事者請歸之賢邑
侯并秉筆勸贊之諸君可

昔

乾隆十四年孟夏瑞安縣儒學

訓導兼理教諭事潛陽章昱
客革氏撰



序

六

重修瑞安縣誌跋

天下事莫不相須而後成瑞邑誌書之克成於今日也豈偶然哉蓋自誌之不修者垂六十年板不戒於火付之灰燼者亦二十年其間人文之興替風土之盛衰賦役兵戎之沿革與夫潛德幽貞之沉埋而匿處皆有待於釐定而表章之而卒無有肩其任

跋一

者豈人之難歟抑亦有人而適逢其會之難也司訓章先生蒞瑞七年於茲矣多有所建白而於誌事尤究心焉先是邑父母鄒公欲新之謀於先生將次舉行適以疾告休歸不果先生喟然曰誌之不成豈尚有待乎丁卯秋新父母陳公陞調茲土蒞任後政教清明百廢具舉先生復慨然曰

誌之克修此其會矣越明年乃具述其由告公公首肯者久之以為邑而無誌大闕典也先生欲成之甚盛心也剗之費余其任之遂延匠集事不逾年而告竣潛者以顯幽者以章凡若人文若風土若賦役兵戎無不燦然脩呈瞭如指掌是則非公無以成先生之志非先生亦無以見公之

賢事之遶逢其會而相須以有成也顧不諒哉抑猶有說焉古稱才學識三者兼而後可作史誌亦史類也予謂識為先才與學次之而要一本於至公蓋有識則是非不得而紊之而不公或反以自紊其是非以先生之識之學之才固無遺議而予以樗菲耳筆其間庸陋之譏在所不免不公

之私則固自信其無有也獨公以西蜀名儒其文章可以潤色鴻業其經濟可以翼贊

皇猷而乃以枳棘之栖辱鸞鳳之羈數年來以引以翼以養以恬凡嘉惠斯民者靡不脩至而復留此無窮之貺是公之大有造于吾瑞也其所以光昭邑乘者豈其微哉予既樂是書之有

成益嘆公與先生相得益彰而予與二三同事得廁名于其列亦深有厚幸也已

肯

乾隆十四年歲舍己巳孟夏之吉

邑人吳慶雲旦齋氏敬跋




瑞安縣圖

周禮四方之志掌之外史九州之圖掌之職方氏
辨其邦國都鄙及其人民財用周知其山川險要
蕭相國佐漢先入秦丞相府收圖籍圖其重哉故
志先之以圖

縣境圖一

瑞安縣志圖



瑞安縣志圖



纂修姓氏

鑒定 賜進士出身憲大夫知鳳州府事提督廣西學政等處學政 金洪銓

總裁 文林郎知瑞安縣事西蜀忠州舉人陳永清

監修 修職郎儒學訓導署教諭事潛州章 昱

編纂 癸卯恩科舉人 吳慶雲

分纂 巳酉科舉人 林霽

甲子科舉人 張為雋

乙卯科拔貢 林元炯

校對 生 員 吳天樞

瑞安縣志 卷之一 姓氏

生 員 余國光

於潛學生 員 章知鄂

經理 生 員 鍾山英

生 員 鮑鵬搏

監 生 張策

採訪 生 員 季樂浩

生 員 徐應甲

生 員 李飲冰

瑞安縣志凡例

一本志在前朝始修於永樂乙未再修於嘉靖甲寅及萬歷乙未又修于

皇清本朝丁卯距今六十餘載凡茲編緝前蒐舊聞近遵新典

一新制如賦役軍政更定盡善可垂永久然必兼據舊章以昭因革原委故舊志所載悉錄無遺以備觀覽

一舊志考核詳明凡一切天文地利山川城池物產瑞安縣志 卷之一 凡例

悉仍舊載

一舊志前後序跋俱載入藝文不敢輕棄亦於原委攸關

一舊志人物列傳以及鄉賢一一謹嚴今自丁卯以後所載無多胥確有見聞允協衆論方敢登志其

前尚有遺逸亦必呈明邑令查核始得補入志以傳信正不得任意取舍也

一祠廟寺觀及橋梁塘埭舊志所載者悉錄無遺其有修造增飾者即於其下畧加表揚所以勸善耳

一舊志藝文悉錄不遺凡有省志及府志已載而本志未及者亦皆補入其丁卯以後採錄不多者以風雲月露之詞文雖美但無關民社不切地方故不敢濫收循志例也

一職官選舉爲人材設科名仕宦例應登志悉按年科分纂入無遺其吏選例貢年久物故既有遺忘事例各途無從稽考非本人自鳴難以查收其間或有未錄者請俟將來

一節孝有關風化尤爲志例大端有省志府志已經

備載而本志無名者悉查對增入其自丁卯以來迄今已已曾經具題旌表者具載無遺而其間備歷艱苦矢志不移或赤貧無援或後裔不振未經表揚者亦所在多有因酌列待旌一項然必允協輿情不違公論呈縣移查核實登志

一志與史不同史有可否而志但傳名史有褒譏而志惟擇善故廣搜博採有善必錄有美必收凡以爲觀感之機而移風易俗之道卽寓乎是也其有樂善好施口碑載道者附之行誼內俾覽之者有

所興起焉

一志內藝文俱係先賢名宦著作其新增者除當道現任及已故儒碩外凡在館與修紳士俱俟將來採擇槩不修入恐貽沽名之誚

一各姓宗祠前次纂修捐資者悉錄志後今板雖不存仍刊附後不沒前人之善也此次纂修捐資者列祠名夾縫每出銀五錢刊一頁多寡隨出資數仍總列某祠在某處係某人後裔附建置卷末所以勵將來耳

瑞安縣志目錄

卷之一

輿地志

星野 沿革 形勝 疆域 隅都 山川

風俗 附歲時 民事 物產

卷之二

建置志

城池 附防虞池 公署 學校 街市 水利

坊表 橋梁 津渡 郵置 賑卹 義塚

瑞安縣志

卷之一 目錄

卷之三

田賦志

戶口 土田 科徵 役法 善里 一條鞭 圖

圩總 歲徵 附課 解給 附奉 鹽法 漁稅

卷之四

職官志

縣職 學職 屬職 武職 名宦

卷之五

祠祀志

壇壝 廟祠

卷之六

兵防志

軍營 教場 寨墩 戰船 器械 籌海

卷之七

選舉志

進士 鄉舉 歲貢 薦辟 封蔭 例貢

吏選

卷之八

人物志

理學 文學 附書翰 星歷 宦業 忠義

孝友 行誼 隱逸 游寓 方技 節烈

卷之九

藝文志

書目 綱常類 忠諫類 政治類 建置類

附祠祀 風化類 理學類 志序類 勝蹟類

卷之十

雜志

古蹟 邱墓 寺觀 僊釋 亭臺 祥瑞

災變 遺事 時變紀畧

總論

志者記也天下有一統志省有通志郡州邑有專志成記疆理之所有以備遺忘也志必先於輿地述職方也辨方正位體國經野然後民依方以立故建置次之任土作貢則壤成賦而後財用出焉故田賦次之次職官者民之攸壻也次祠祀次兵防者國之大事也文教修明育材

瑞安縣志

卷之一

目錄

三

待用次選舉選舉之法立則賢才多而述作備次人物次藝文世遠而可疑道左而不經者無所麗焉無所麗而直去之非傳疑之法也故與邱墓祥異遺事均為雜志終焉

瑞安縣志卷之一

輿地志

瑞安隸於溫郡受地百四十里土宇廣袤踰於古之侯服世運迭更而治理不一察星野以知徵驗考沿革以知原委覘形勝以知險要觀疆域隅都山川以知定方至於驗風俗之美惡稽物產之豐嗇則一邑之習尚與其土宜又可知矣分符端化按圖無遺焉志輿地

星野

瑞安縣志

卷之一

星野

一

州同鮑鴻桂

周禮保障氏以星土辨九州之域所封州域皆有分星以觀妖祥漢地理志吳地斗分野今之會稽丹陽豫章廬江諸郡皆吳地縣舊屬會稽郡晉天文志自南

斗十一度至須女七度為星紀吳越之分野唐志

南斗在河下流當淮海間為吳分宋天文志起斗

十二度費直起斗十度蔡邕起斗六度至須女七度於辰在丑吳越

之分野屬揚州又云會稽入牛一度漢志玉衡第

六星主揚州常以五巳日候之丁巳日為會稽郡斗北

魁四星為璇璣杓三星為玉衡宋志東甌五星翼玉衡第六星即北斗第六星也

南天文錄云東甌東越也今永嘉郡永寧縣是也芒
角動搖則蠻叛太白守之其地主兵又觀象玩占云
東甌五星主東越金火及彗孛侵犯兵起 乾象新
書云東甌星屬張宿

按諸家志吳越揚州分野雖起度不同要不越於
牛斗須女間此次舍之正星也玉衡第六星主揚
州者蓋北斗制臨四海於州國無所不統故第六
星曰閭陽者亦主揚州至於翼南東甌五星是為
一方專星唯東甌主之而他郡則不與焉三者皆

瑞安縣志

卷之一

星野

二

州同鮑鴻桂

於本郡境土相屬有徵應故並著之以為觀象之
驗或者以吳越在南星紀在北而疑其上下之不
相配則唐僧一行已有定論其言以為懸象在天
本在乎地星之與土以精氣相屬而不係方隅則
上下南北似不必泥矣又以歷家仰儀之理推之
仰儀者反以觀天取光之所燭為驗則星紀在北
而光燭於南其以吳越當之者從星紀之所燭也
瑞安溫屬邑占星野與郡同

沿革

瑞安古揚州之域春秋戰國屬越秦滅越并天下為

閩中郡漢初立無諸為閩越王都治今福建至惠帝

二年論高帝時功立閩君搖為東海王始都東甌武

帝時東甌王為閩越王所攻舉國內附詔徙處江淮

間以其地為回浦縣舊志作奉化隸會稽郡光武時

改回浦為章安縣回浦今台州寧海縣章安今台順

帝永和三年分章安之東甌鄉為永寧縣末年置東

南二郡都尉東郡治臨海永寧隸焉孫吳分永寧置

羅陽縣始建治於本邑北湖魯縣孫亮改羅陽為安

瑞安縣志

卷之一

三

黃生曹秉鈞

陽晉武帝時改安陽為安固又分安固置橫陽總隸

臨海郡明帝太寧元年改隸揚州置永嘉郡統安固

時縣治改遷今址劉宋齊梁因之陳以安固隸縉州

隋開皇又隸處州廢橫陽入安固十二年改處州為

括州又廢安固入永嘉唐武德五年分括州置永嘉

州列縣五復置安固太宗又以安固隸括州高宗上

元改置溫州統安固復分安固置橫陽昭宗天復二

年明一統志因獲雙白鳥之瑞改安固為瑞安五季

因之宋隸兩浙路靜海軍應道軍度宗朝隸瑞安府

時獲瑞禾 陸軍爲府 元改隸溫州路成宗元貞年間以安固戶 數多陞縣爲州明洪武二年復爲縣隸溫州府景泰 三年因設泰順縣割義翔鄉五十六都至六十一都 之地屬之於是爲隅四廂一鄉十二都五十五 皇清因之 順治三年秋七月師 狗既隨溫州府歸附 沿革表									
世代		總隸		郡		縣			
吳		臨海郡				羅陽			
孫亮 太平二年		臨海郡				安陽			
瑞安縣志		卷之一				四		監生陳其錫	
晉		太寧元年		揚州東揚州		永嘉郡		安固	
宋齊梁				揚州東揚州		永嘉郡		安固	
陳		永平三年		揚州		緡州		安固	
隋		開皇九年		吳州		處州		安固	
唐		武德五年		越州		東嘉州		安固	
太宗				江南道		括州		安固	
高宗		上元二年		江南道		溫州		安固	
玄宗		天寶元年		江南東道		永嘉郡		安固	
肅宗		乾元元年		浙江東道		溫州		安固	

昭宗	天復二年	浙江東道	溫州	瑞安
五代	梁	吳越王	靜海軍節度使	瑞安
宋	太平興國三年 政和七年	兩浙路	靜海軍 應道軍	瑞安
度宗		兩浙東路	瑞安府	瑞安
元		浙東道	溫州路	瑞安州
明		浙江布政司	溫州府	瑞安
皇清		浙江布政司	溫州府	瑞安

按近稱瑞安爲章安但章安所轄甚廣考廣興台州係漢章安臨海天台皆是不止東縣一鄉又寧海係漢回浦亦係台州地舊府志作寧波奉化下回浦鄉俱誤

瑞安縣志	卷之一	沿革	五	生員朱宗元
------	-----	----	---	-------

形勝

瑞安爲邑大海巨浸界其東大羅雲峰諸山亘其北雲江襟其南西南則閩括萬山之支湊焉晉郭景純之遷縣治蓋取旁有卻嶼鰲伏西則峴山龜浮左文峰類蒼龍之角後棲隱如鳳翅之展其中一街一河狀若棋枰縱橫貫通外則深土沃田阡陌鱗次擅東南之勝焉

疆域附 至 到 程 途

本縣疆域東西廣二百一十里南北袤六十七里四